



Broj:04-GV-02-1940/17
Datum: 13.12.2017. godine

ZAPISNIK
SA DEVETE SJEDNICE KOMISIJE ZA SPOMENIKE GRADSKOG VIJEĆA
održane 13.12.2017. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član
7. Lana Velić, članica

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala:

- Dragana Solaković, pomoćnik Gradonačelnika za lokalnu samoupravu i razvoj grada
- Amela Kolovrat, pomoćnik Gradonačelnika za finansije

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem o radu prethodne sjednice Komisije za spomenike održane 14.11.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Inicijative nadležnim nivoima vlasti u Bosni i Hercegovini za pristupanje izradi i donošenju zakona o glavnom gradu Bosne i Hercegovine i zakona o glavnom gradu Federacije Bosne i Hercegovine
2. Prijedlog Politike Grada Sarajeva za mandatni period 2016-2020
3. Prijedlog Programa rada Gradskog vijeća Grada Sarajeva za 2018. godinu
4. Prijedlog Budžeta Grada Sarajeva za 2018. godinu
5. Tekuća pitanja

TAČKA 1.

Prijedlog Inicijative nadležnim nivoima vlasti u Bosni i Hercegovini za pristupanje izradi i donošenju zakona o glavnom gradu Bosne i Hercegovine i zakona o glavnom gradu Federacije Bosne i Hercegovine

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike podržava podnesenu Inicijativu i sugerira Gradskom vijeću da razmatra Inicijativu nadležnim nivoima vlasti u Bosni i Hercegovini za pristupanje izradi i donošenju zakona o glavnom gradu Bosne i Hercegovine i zakona o glavnom gradu Federacije Bosne i Hercegovine kako je predložena.



TAČKA 2.

Prijedlog Politike Grada Sarajeva za mandatni period 2016-2020

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike daje podršku predloženom aktu i sugerira Gradskom vijeću da razmatra Politiku Grada Sarajeva za mandatni period 2016-2020 kako je predložena.

TAČKA 3.

Prijedlog Programa rada Gradskog vijeća Grada Sarajeva za 2018. godinu

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike sugerira Gradskom vijeću da razmatra Program rada Gradskog vijeća Grada Sarajeva za 2018. godinu kako je predložen, uz uvažavanje sljedećeg zaključka.
2. Komisija za spomenike predlaže da se u Program rada Gradskog vijeća Grada Sarajeva za 2018. godinu uvrste za razmatranje odluke kojima će se realizirati inicijative Gradskog vijeća za podizanje spomenika i to:
 - Odluka o podizanju spomenika Esadu Arnautaliću,
 - Odluka o podizanju spomenika Dariji Džamonji,
 - Odluka o podizanju spomenika Kemal Montenu.

TAČKA 4.

Prijedlog Budžeta Grada Sarajeva za 2018. godinu

Članica Komisije za spomenike Lana Velić je zatražila da se u zapisnik unese da predstavnica Predlagača po ovoj tački dnevnog reda, nije mogla Komisiji dati odgovore na postavljena pitanja, budući da, prema vlastitoj izjavi, nije bila spremna za rad ove sjednice radnog tijela.

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike sugerira Gradskom vijeću da razmatra i usvoji Budžet Grada Sarajeva za 2018. godinu kako je predložen, uz uvažavanje sljedećeg zaključka.
2. Komisija za spomenike predlaže da se u Budžet Grada Sarajeva za 2018. godinu uvrsti stavka na kojoj će se planirati sredstva za održavanje spomenika od značaja za Grad Sarajevo i izgradnju spomenika za koje je Gradsko vijeće uputilo inicijative Gradonačelniku, i to tako da se umanju iznos predložen na stavci Održavanje komunalnih objekata u visini od 300.000,00 KM, za 100.000,00 KM, a da se ova sredstva planiraju na posebnoj stavci, za provođenje Odluke o spomenicima od značaja za Grad Sarajevo i to u visini od 100.000,00 KM.
Obrazloženje je sadržano u važećem gradskom propisu i u inicijativama Gradskog vijeća za podizanje spomenika upućenim Gradonačelniku.
3. Ukoliko Gradonačelnik ne prihvati prijedlog iz zaključka broj 2, prijedlog postaje amandman na Prijedlog Budžeta Grada Sarajeva za 2018. godinu i upućuje se Gradskom vijeću na razmatranje.

TAČKA 5.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Mirjana Đanović Stanić

PREDSJEDAVAJUĆI KOMISIJE

Enes Husejnović, s.r.